

解莊

宇津木益夫解

外篇

卷十


口仁13

704

10



門仁
號704
卷10



解莊卷之十

外篇在宥第十一

尾張 宇津木益夫天放解

此篇承上篇。而使人舍役役啍啍而歸種種恬澹
無為。學者動輒言天下國家。以聖人為口實。已不
省其道術之生熟。欲以毒藥試之于無病之人。彼
不陷死。則必為廢殘之人。故此篇在宥天下。而不
治天下。使人人安其性命之情。而無不恬不愉之
患。仁義賞罰。雖使天下勸懲。而人心櫻乳。以失恬
愉之性。是以蒙叟務闢之。使人歸德性之自有也。

解在 卷之十 在宥

後上居歲

明治
月 年
日 號

當與內篇太宗師南伯子葵女偶問答之章併見。其外天下外物外生之義。自合不治天下之意也。要之欲使各人德性不滯不遷而已。中間鴻濛廣成二段。乃脩身練心之要。末段分說天道人道。以示有為無為之不可混也。篇中多精密語。須省察。聞在宥天下不聞治天下也。在之也者。恐天下之滯其性也。宥之也者。恐天下之遷其德也。天下不滯其性。不遷其德。有治天下者哉。昔堯之治天下也。使天下欣欣焉人樂其性。是不恬也。桀之治天下也。使天下瘁瘁焉人若其性。是不愉也。夫不恬不愉。非德也。

非德也。而可長久者。天下無之。

前篇已言上悖日月之明。云云墮四時之施。此乃壞盡天地化育之和氣。而不可輓回者。上下好知。而交爭故也。此篇主救其好知之弊。故使人先存一段和氣也。天下不滯其性。不遷其德。則性德自恬愉。而一段和氣自盈乎宇宙之間也。夫欲治天下者。知慮之所經營。而不免好知之弊。故在宥之也。在者。諸註皆云。優游自在之意。又如如自在之義。又存而不擾之謂也。宥者。寬容自得之意。又寬放自得之義。言宥使自在則治。以知治之則亂也。

此乃使人人性德和緩恬愉而不迫切擾亂也。所謂喜怒哀樂未發之中與發而中節之和交相濟相助而不為一切聲色仁義技藝所遷其德性也。故在之宥之。以使其各自得其德性也。天下不淫遷其德性。則天下已自治。豈更有治之者哉。夫性上不可加一物。堯率天下以仁而民欣欣焉。桀率天下以暴而民瘁瘁焉。欣欣瘁瘁非其德。乃淫與遷也。此不恬愉非其德也。故在宥以使歸其性德。則苦樂之慮長絕。而其德自長久也。堯桀之喜惡猶臧穀之亡羊也。百十二言。

人大喜邪。毗於陽。大怒邪。毗於陰。陰陽并毗。四時不至。寒暑之和不成。其反傷人之形乎。使人喜怒失位。居處無常。思慮不自得。中道不成章。於是乎天下始喬詰卓鷲。而後有盜。一作桀跖曾史之行。故舉天下以賞其善者。不足以舉天下。以罰其惡者。不給。故天下之大。不足以賞罰。自三代以下者。勾勾焉。終以賞罰為事。彼何暇安其性命之情哉。

以喜怒。譬淫遷之所由起。夫人大喜。則氣毗於陽。太怒。則氣毗於陰。善惡之情。淫遷於物。則其傷天和也必矣。毗助也。并也。偏附也。陰陽并毗。則偏陰

偏陽之氣必起。四序之氣不調。寒暑之和。不順。必
反傷人之形。此乃所謂上悖日月。下爍山川。中墮
四時之施者是也。夫萬物負陰抱陽。冲氣以爲和。
所以與天地通而參也。淮南子曰。喜怒者。道之邪
也。憂悲者。德之失也。人大怒。破陰。大喜。墜陽。此喜
怒苦樂之情。其伐天和可見也。至其傷人之形。則
其喜怒之情。不得其當。喜怒之和。而失其位。不安
其當。安之居處。而失其常。思慮煩亂。無自得之證。
作山九仞。終爲邪徑。所陷迷。而中道失其學。終不
能成章也。此學乃道德性命之學。而至聖過化存

神之妙道也。皆不能安其性命之情。故善惡喜怒。
愈益盛。而終有盜跖曾史之行儀者。民失其常性。
也。喬者。高尚也。矯己而過於高也。詰者。窮盡也。責
人而過於密也。卓者。難及也。特立而過於亢也。鷲
者。不群也。鉏擊而過於猛也。此乃盜跖曾史之行。
善惡俱非常人之所及。是皆悖亂天常。滅裂和氣。
總爲失真喪性之民。於是乎。人君分辨其善惡之
行。建定其賞罰之法。天下盡僻善惡之行。故天下
之廣。賞之不足。罰之不給。賞罰不足以治天下。則
天下益匈匈焉。從事於賞罰。其賞罰或中。或不中。

為天下善惡所撫弄而不能一日安。自三代以下。天下常不安者。職是之由。更有儒墨之是非。而樊然殽亂。彼何暇安其性命之情哉。若人欲安其性命之情。姑置其善惡賞罰之念。在之宥之。則其性命之情。或可安也。不然千古匆匆。其真性終不可得也。前漢高帝紀。天下匆匆。註匆匆。喧擾之意。百二十九言。

而且說明邪。是淫於色也。說聽邪。是淫於聲也。說仁邪。是亂於德也。說義邪。是悖於理也。說禮邪。是相於技也。說樂邪。是相於淫也。說聖邪。是相於藝也。說知

邪。是相於疵也。天下將安其性命之情。之八者。存可也。亾可也。天下將不安其性命之情。之八者。乃始鬻卷。僮囊。而亂天下也。而天下乃始尊之。惜之。甚矣天下之惑也。豈直過也。而去之邪。乃齋戒以言之。跪坐以進之。鼓歌以儺之。吾若是何哉。

此條說性德之所以淫遷也。說音悅樂也。悅聽明者。其性淫於聲色也。仁義禮樂。聖知亦復然。亂德。悖理。相技。相淫。相藝。相疵。皆性德之外遷他淫者也。仁者宋儒以為心之德。不知對物而起其反亂德也。義因物而相反。各有所當。悖性命之實理。

也。禮是相動作周旋之技也。樂是因聲音歡樂其心。非相淫而何也。世以多能爲聖。逞才能以爲聖者。乃是相藝也。知以知詐漸毒。使其心病。相爭相軋。疵癘愈多。故曰相於疵也。夫人自有天性之聰明。無心對物時。不謂之仁義。而仁義之實。自生於其間也。而今不知仁義之實踐。而唯有心以認仁義之空理。以爲得其旨者多矣。此無他。無安其性命之情之真志。而外馳淫遷。爲之八者所役也。若人真安其性命之情。則此八者未嘗礙其性德也。何者。八者皆對外物而起者。而內不與性命之情

也。性命既安。既明。則此八者能爲性德之使令。自有輔相羽翼之義也。故曰之八者存可也。亾可也。所謂未發之中。發而中節之和。內外通徹。而道德自滿盈乎其中也。若不能安其性命之情。則揚眉瞬目。動作周旋。不知有何等伎倆。以具聰明知慮也。何況道德性命之真乎。於是乎。以此八者爲道之所在。自軀殼上起念。相爭競。以至淫遷其性德也。此不亦性德之大亂乎。故曰之八者。乃始鬻卷。僮囊。而亂天下也。鬻卷。屈曲不舒之貌。又局束之貌。又不申舒之貌。僮囊。多事之貌。猶言僮攘。亂之

解莊 卷之十
意諸解皆同。呂氏曰：天下不安其性命之情，則所謂聰明仁義禮樂聖知皆非其正，不免亂德悖禮而已。八者存亡皆可言無益損乎其真，鬻割而不全，卷束而不舒，僇積而不散，囊結而不解，皆所以亂天下而尊之借之。齋戒以言，鼓歌以儻，以為天下之至真在是，世迷日久，吾若之何哉？褚氏曰：鬻卷謂拘束於禮樂仁義，僇囊謂馳驟其聰明聖知。沈氏曰：過而不留，尚嫌其多事也，而又珍之重之，非齋戒不敢授受，非跪坐不敢進獻，播之於詩歌，佾舞而薦之於清廟明堂，其愛芻狗而惜蘧廬如

此按淮南子取成之迹，相共危坐而說之，鼓歌而舞之，故博學多聞而不免於惑，鬻齋云豈直過也而去之，言不特獵涉一過，隨即休止，齋戒以言，謂鄭重而誇說之，跪坐以進，謂致恭盡禮而相傳授，鼓歌以儻之，謂言之不足，手舞足蹈也。西仲云：迂儒剽竊，不得其要，其一段尊信古人糟魄處，如狂如癡，可憐，可憐百五十三言。

故君子不得已而臨蒞天下，莫若無為，無為也而後安其性命之情，故曰貴以身於為天下，則可以託天下，愛以身於為天下，則可以寄天下，故君子苟能無

解其五藏。無擢其聰明。尸居而龍見。淵默而雷聲。神動而天隨。從容無爲。而萬物效累焉。吾又何暇治天下哉。

到此分明說出所以安其性命之情之故。能安性命之情者。謂之君子。君子不臨天下則已。若不得已。而爲人君。臨蒞天下。則其何爲哉。所謂恭己直南面而已矣。故曰莫若無爲。夫無爲也者。其心不營於外。內明其性命。而萬事萬理。透明無遺。故道德自備於己。無可馳之外境。是以其心常清靜。造次顛沛。自從容不迫切也。事至則如鏡之明。來而

不拒。去而不留。不將不迎。其明自透徹也。此謂私心不礙其性命。而隨天然之固有。以不動其心也。故曰無爲也。而後安其性命之情。又引老子以爲證。故補曰字別之。夫無爲也。故雖授以天下。無爲已有之念。唯以其身爲天下而已。此其無私乃無爲也。無爲而真性得矣。如此之人。可託天下以爲君也。舜即其人也。愛而寄天下者。無爲之人。可與聞天下之政也。伊尹其人也。貴者爲上之人。所貴重。而爲天子也。愛者爲上之人。所愛親。而爲冢宰也。無爲之人。而後當爲君相也。所謂無爲而治者。

其舜也歟是也。世人不知無爲之實。事事滌除。無思無慮。形無所動作。而後以爲無爲。實堪憐也。不知一日萬幾之中。即無爲也。故君子苟無解其五藏。五藏者。五性之所藏也。精神魂魄意。是也。解。分解也。此五性內照。則精神魂魄意。皆無私而天下之事物。內外無隔礙也。若分解之。則五性各爲私。而擢其聰明。以先天下。此皆有爲之事業。雖功均聖人。非自道德中流出者也。故曰無擢其聰明。擢者上文說明說聰悅樂之意。受病在此悅字。若不悅則聰明自聰明。天然自有之性耳。何擢出以悅。

之之有。尸居。如尸之不動。言其居之安也。龍見。如龍之不測。言其見之神也。尸居而龍見者。不見而自章也。其體清靜。而其用不可測也。淵默而雷聲者。不動而自變也。無言而其感動人。如雷聲之驚百里也。所謂不言之教也。神動者。其動無迹。而其自在不可測也。天隨無私而萬物不招自來也。皆以形容至德無爲之妙。意義甚精密。辯亦有不可及者也。其從容無爲之至如此。故曰萬物炊累焉。煩累二字頗奇特。林陸俱云。炊累。逍遙遊篇所謂野馬也。塵埃也。生物之以息相吹也之意。炊者。薰

而上蒸之義。累者微塵之積而累多也。日光中游塵聚散于大虛一氣之中。而自由自在也。此乃上焉者。盡無爲之妙。則下焉者。不知不識。遵帝之則。萬物隨天機。生育乎德化之中也。天下萬物。不治而自治如此。吾又何暇治天下哉。吾盡無爲。則萬物各得其所而自治。豈更構有爲而治天下哉。言當從事於無爲。不暇治天下也。自篇首至此。總言無爲恬愉之當作。而聲色以下八者。不當悅也。百零二言。

崔瞿問於老聃曰。不治天下。安減人心。老聃曰。汝慎

無撓人心。人心排下而進上。上下囚殺。淖約柔乎剛強。廉剝離琢。其執焦火。其寒凝冰。其疾俛仰之間。而再撫四海之外。其居也淵而靜。其動也縣而天。儼驕而不可係者。其唯人心乎。

承上文而言人心之不可撓也。問曰。夫治天下者。使萬姓各脩其身。正其心。此聖人之所教也。若不治天下。則何以使人心勸善。臧善也。老子答以人心之所以不可撓之故。夫人之真性。本自靜明也。所謂人生而靜。天之性也。感物而動。性之欲也。此爲物欲撓其心也。故曰汝慎無撓人心。蓋欲治天

下之心。物欲之所感動也。物欲不感動。則天性湛然。自澄靜也。雖然。水外無波。波外無水。則雖動躍。激亂。水性未曾離。波即水。水即波。善體于斯。則性靜。心動。兩俱任天之便。而不以己私參之。動靜俱不撓。而性命之情自安矣。此自非久脩純熟之人。豈能如此見得分明哉。釋氏所謂真妄不二之旨。不外于斯矣。夫人心排則下。而進則上。皆觸境而馳心者也。排抑之也。進引而揚之也。人心一爲人所排抑。則失志銷魂。或少進之。則希望高遠。而漫起非分之欲。上下俱不得。則其困苦憂患激怒之

態。其希上厭下。而係縛構鬪。恐怖恚愠之情狀。殆如囚殺。或其剛強狼戾之心。反爲淖約。所柔服。或剛強雄壯之志。化爲僂美側媚之態。屈服于婦女子之徒。將平生廉隅圭角之狀。彫之琢之。殆幾于盡。其他千變萬狀。不可枚舉。讀者可迎意而解也。此皆懼排希進之人。其用心如此。語其燥急。則熱如焦火。語其戰競。則寒如凝冰。其迅速神疾也。俛仰之間。再往來于四海之外。其不動也。靜如深淵。其飛揚也。縣如冲天。儼驕不可係者。如此也。此言其忿戾驕亢不可制伏者也。是皆不知其性命之

情。而以意必固我之私念。與外境紛亂。櫻擾其態。度如此。深言人心之不可櫻也。九十言昔者黃帝。始以仁義。櫻人之心。堯舜於是乎。股無肢。脛無毛。以養天下之形。愁其五藏。以爲仁義。矜其血氣。以規法度。然猶有不勝也。堯於是放驩兜於崇山。投三苗於三峽。流共工於幽都。此不勝天下也。施及三王。而天下大駭矣。下有桀跖。上有曾史。而儒墨畢起。於是乎喜怒相疑。愚知相欺。善否相非。誕信相譏。而天下衰矣。大德不同。而性命爛漫矣。天下好知。而百姓求竭矣。

此條恐有誤脫。黃帝雖無仁義之教。推其本。則垂衣裳。設軒冕。作宮室。曰杵舟揖。無不始於黃帝。至堯舜。則以仁義爲教。服無肢脛無毛者。禹王之事也。係之堯舜者。傳寫之誤乎。股無肢。羸瘦之狀也。脛無毛。勞於跋涉也。此勞苦其身心。爲天下養其形。愁其五性。以仁義脩人心。自奉其道。不怠矜其血氣。以規法度。此堯舜自以仁義施教于天下。天下悉奔命于仁義。然一法立。而一奸生。猶有不從其法度者。此乃有不勝也。於是乎。不能無刑戮。故四罪而天下服。仁義之法。刑戮之威。其櫻人心也。

明矣。此不勝天下也。其仁義刑戮施及三王。則天下大駭矣。何者。堯舜以刑戮施於下。湯武以刑戮施於上。堯舜之勤勞。湯武之征伐。皆所以爲仁義也。其道一開。則有負不仁不義之名者。桀跖是也。有得能行仁義之名者。曾史是也。其善惡上下。各有等。於是儒墨各緣之立教。同於己者則喜之。異於己者則怒之。以相疑也。有見於此。則以爲知。無見於彼。則以爲愚。以相欺也。在於我爲善。在於人爲否。以相非也。以我爲信。以人爲誕。以相譏也。是非喜惡競起。而玄同之德衰矣。玄同之德衰。則性命之真。喪滅壞亂矣。爛漫腐壞之意也。此無他。天下好知故也。好知故。百姓惑其辯。不安其真性。殫思盡慮。不暇明其理義。眩惑以終世。不亦百姓之求竭乎。百四十五言。

命之真。喪滅壞亂矣。爛漫腐壞之意也。此無他。天下好知故也。好知故。百姓惑其辯。不安其真性。殫思盡慮。不暇明其理義。眩惑以終世。不亦百姓之求竭乎。百四十五言。

於是乎。斲鋸制焉。繩墨殺焉。椎鑿決焉。天下脊脊大亂。罪在撻人心。故賢者伏處大山。堪岩之下。而萬乘之君。憂慄乎廟堂之上。今世殊死者相枕也。桁楊者相推也。刑戮者相望也。而儒墨乃始離跂。攘臂乎桎梏之間。意甚矣。其無愧而不知耻也。甚矣。吾未知聖知之不爲桁楊接摺也。仁義之不爲桎梏鑿枘也。焉。

知曾史之不為桀跖嚆矢也。故曰絕聖棄知而天下大治。

既不能以仁義勝天下。於是乎不得已。而以刑戮威天下。鈇鋸繩墨推鑿皆刑戮之具。以是威天下。天下脊脊大亂者。其罪在以下以仁義撻人心。故仁義必窮。則刑罰用。亦勢之所必至也。脊脊與籍籍同。相踐籍也。故賢者避禍。以高蹈遠引而去。萬乘之君。孤立無輔。憂慄于廟堂之上也。殊死謂事參差不等而同陷死刑也。桁楊長械也。以施人頸。若衣之有桁也。相枕相推相望。言其多也。舉世羅法網之

密。故賢者伏處而不出。儒墨之徒。離跂攘臂。以擅仁義。聖知之談。以思解其桎梏。不知仁義聖知之說。竟致此桎梏也。故曰無愧而不知耻也。無愧不知前日之非。不知耻則不改後來之轍也。此言仁義聖知之弊。必為桁楊接摺也。接摺。桎梏之鑿。枘也。然則曾史亦為桀跖之嚆矢也。必矣。接摺。械楔同也。械非楔不牢。故桁楊以接摺為管也。又接續木。接摺。堅木接續。使桁楊堅也。枘木所以入鑿。言相合也。嚆矢。響箭。盜以為先聲。即鳴鎬也。言曾史反為桀跖之先聲也。故桀跖亦竊仁義聖知。以為盜暴。

則曾史之行。適為桀跖之資。可知也。故曰。絕聖棄

知。而天下大治。百四十二言。
黃帝立為天子十九年。令行天下。聞廣成子在於空
同之上。故往見之。曰。我聞吾子達於至道。敢問至道
之精。吾欲取天地之精。以佐五穀。以養民人。吾又欲
官陰陽。以遂群生。為之柰何。廣成子曰。而所欲問者。
物之質也。而所欲官者。物之殘也。自而治天下。雲氣
不待族而雨。草木不待黃而落。日月之光。益以荒矣。
而佞人之心。翦翦者。又奚足以語至道。
令行天下。此實天下自治。而百姓各自得其所歟。

以號令。靡服天下。而百姓奉其令。不逆者歟。以至
道照之。則令行天下之語。當有其分曉也。陸方壺
云。黃帝之二問。甚有分曉。蓋天地之精。元始之祖
炁也。渾渾沌沌。一而不分。為造化之根抵。品彙之
樞紐。得之則造化在手。故可以生物。可以養人也。
陰陽則後天之分炁也。官謂主宰而調燮之。使羣
生各遂其生性也。此便是致中和的學問。合而言
之。雖是一箇分而言之。前問是先天而天弗違的
意思。後問是後天而奉天時的意思。不容無辨。廣
成子言。而所欲問者。物之質也。質者。猶云未散之

解 卷之十
朴。所欲官者。物之殘也。殘者猶云。朴散之器。此老
下字新奇。每每如此。廣成子言。自汝治天下。元氣
已彫喪矣。蓋黃帝始以仁義。撓人心。天下之人心
既亂。所謂素朴渾沌者。不期散而自散。故雲氣不
待族而雨。草不待黃而落。日月之光。益以荒矣。汝
佞人之心。翦翦者。離披解散之氣。徵於陰陽。驗於
三光。符於草木。著于人心。有如此者。實汝之所欲
也。又何足以語至道。族聚也。翦翦。便捷之貌。又翦
翦。猶瑣瑣也。此未聞至道之精。而先多所欲。躁急
之至。所以不待族而雨。不待黃而落也。百三十五

言。

黃帝退。捐天下。築特室。席白茆。間居三月。復往邀之。
廣成子南首而卧。黃帝順下風。膝行而進。再拜稽首
而問曰。聞吾子達於至道。敢問治身柰何。而可以長
久。廣成子蹙然而起曰。善哉。問乎。來吾語女。至道。至
道之精。窈窈冥冥。至道之極。昏昏默默。無視無聽。抱
神以靜。形將自正。必靜必清。無勞女形。無搖女精。乃
可以長生。目無所見。耳無所聞。心無所知。女神將守
形。形乃長生。

黃帝一聞至人之言。退捐天下。築特室。席白茆。自

解 卷之十

在宥

在宥

其

卷之十

奉菲薄。不交外人。攝心三月。復往邀廣成子。此乃
 外之至也。時廣成子南首而卧。黃帝恭敬謹慎。
 順下風。膝行而進。自忘天子之尊。此尊道之至也。
 既捐天下。因問治身。廣成子蹶然而起。蹶動也。卧
 而不動。聞黃帝之治身之問。蹶然動其身而起也。
 曰善哉。問乎。此善捐天下而治身也。夫學問莫要
 於治身。其身不治。而能治人者。未之有也。夫欲治
 身者。當先明主於身者也。主於身者。何也。性命是
 也。竭盡性命之學。謂之至道。其精窈冥。其極昏默。
 精者。純粹之義。極者。致究之旨。其精其極。迥出言

語色相之表。遠超心意識知之上。故不能以目視。
 不能以耳聽。不能以思慮測。不能以言辯說。無聲
 無臭。吾人如何體之。故不得已。而以窈窈冥冥。昏
 昏默默。形容其妙。老子曰。窈兮冥兮。其中有精。古
 今論道。千聖一旨。若人欲體之。則當無視無聽。喪
 其耳忘其目。抱神以靜也。且與內篇人間世心齋
 之段併見也。蓋抱神以靜。則真君泰然。百體從令。
 而形將自正矣。夫人神本自靜。而人欲牽之。人神
 本自清。而人心擾之。故欲體道者。必也其清靜乎。
 勞形則不能靜。搖精則不能清。故曰無勞汝形。無

搖汝精。乃可長生。蓋多視則精搖於目。亂聽則精搖於耳。多知則精搖於心。故目無所視。耳無所聽。心無所知。則精不搖。而神自寧。夫神者。形之主也。神守其形。則形自長生。形長生而後。至道可得而熟矣。形不長生。則何至道之有。此條入道之要。說盡無餘蘊矣。能盡此條之義。則得安其性命之情也。無疑矣。百四十五言。

慎女內。閉女外。多知爲敗。我爲女。遂於大明之上矣。至彼至陽之原也。爲女入於窈冥之門矣。至彼至陰之原也。天地有官。陰陽有藏。慎守女身。物將自壯。我

守其一。以處其和。故我脩身。千二百歲矣。而吾形未嘗衰。

上文既示入道之要。人能體之。則造化入我手。生育自在也。雖然。若以心識領之。而唯資談柄。則何至道之得。於是再示脩習之法。慎女內者。上文所謂。神守其形。則形長生。形長生。則脩習有力。此攝其精神。而不外漏。此乃慎女內也。又上文所謂。無視無聽。目無所視。耳無所聽。心無所知。此耳目心知俱泯絕。則不向外境。而搖其精。此乃閉女外也。此內外二句。脩習大道。金科玉條也。久久純熟。則

神仙亦可得。而况儒佛究竟之大德乎。性命根宗之學。莫要焉。學者不可平易看過也。若以心知解其理義。而不用力於脩習。則所謂既其文而未既其實。爲思慮所迷倒。曾無得力之分。此乃多知爲敗之義也。大道歌云。神一出兮便收來。神返身中。烝自回。如此朝朝并暮暮。自然赤子結靈胎。服膺此歌而不解。則性命自可明也。內外既清靜。而視聽心知。俱不動搖。則必無多知之敗。於是乎當推盡至陽至陰之原也。遂者往而竟至也。夫大明者。陽之赫赫也。大明之上。赫赫之所由出也。故謂之

至陽之原。推而遂於大明之上。則其至陽之原。可以默識。心通。非言語色相之可形容也。窈冥者。陰之昏昧而肅肅也。窈冥之門。至於至陰之道路也。入窈冥之門。而究盡之。則至陰之原。亦可以默識。心通也。此至陰至陽之原。超過慎內閉外之位。而出一等地者也。脩習至此地位。則可謂能事畢矣。然不真成用力以脩熟。則雖多經年所。而不能免多知爲敗之轍也。世之博學洽聞。而不免於惑者。當須猛省也。至陰至陽之原。既推究盡。則天機活潑。不可測之真。歷歷不昧也。非深徹底者。未免多

知爲敗之故。輒也。以是試之。其造詣之淺深。忽判然。至分爲陰陽。各有所主。此天地有官也。官職也。天地各有所職也。其陰陽互藏其宅。陰中含陽。陽中含陰。此互攝互輔。而天和自盈乎其間矣。此天和實爲生成之根柢也。故曰。天地有官。陰陽有藏。慎守女身。物將自壯。此物字老子所謂有物混成。先天地生之物。中庸所謂其爲物不二之物。下文所謂彼其物無窮之物也。蓋先天道樸。不受變滅。超形器而獨存者也。我能守其一。以處其和。此至

道之精與吾其物。允自混合不二。守此不二之真。一。以處其不二之天和。故曰我脩身千二百歲矣。而吾形未嘗衰。守一處和四字。聖脩究竟處也。然未徹底。故下文再示脩習純熟之後。更有一段極致也。讀者當焦思定慮。以達其奧也。陸方壺云。林齋齊自謂。看莊子頗精到。到此漫爾說過。蓋緣此老不曾於丹書上究心。是以茫無印證。只將南華作爲言語文字。等閑讀過。大是可惜。吾今爲人訣破。直洩天機。亦所不恤。曰何謂守一。老子云。得一萬事畢。所謂一者。先天真一之炁。即所謂天地

之精。互藏於陰陽之宅者也。何以守之。亦曰慎內
閉外而已。何謂處和處和者。調陰陽氣序之和也。
參同契云。賞罰應春秋。昏明順寒暑。又云。候視加
謹密。審察調寒溫。是處和也。和即丹家所謂火候
也。一即丹家所謂藥物也。以之脩身。則形神妙。而
道合真矣。以上陸氏之說。自謂爲人訣破。直洩天
機。亦所不恤。陸氏以本文爲丹家事。以駁齋齋。且
老子無得其一萬事畢之語。外篇天地篇曰。記曰。
通於一。而萬事畢。無心得。而鬼神服。誤以爲老子
之語引之乎。至於以和爲火候。以一爲藥物之說。

則不知爲何等趣味也。蒙叟豈爲丹家言之哉。與
齋齋。五十步百步間耳。八十二言。

黃帝再拜稽首曰。廣成子之謂天矣。廣成子曰。來余
語女。彼其物無窮。而人皆以爲終。彼其物無測。而人
皆以爲極。得吾道者。上爲皇。而下爲王。失吾道者。上
見光。而下爲土。今夫百昌。皆生於土。而反於土。故余
將去女入無窮之門。以遊無極之野。吾與日月參光。
與天地爲常。當我緡乎。遠我昏乎。人其盡死。而我獨
存乎。

黃帝再聞所以致道之方。而領其旨。於是再拜稽

首謂廣成子爲天。蓋天者有無私之義。恭敬之義。仰戴之義。此黃帝之所以尊崇廣成子也。廣成子又語究竟之旨矣。始語以窈冥昏默。此致道之方。而非道也。中語以慎內閉外。至陰至陽之原。使其體窈冥昏默之真。而超出一等地矣。於是真全神寧。形長生。無視聽心知之爲障礙也。故黃帝深領此旨。再拜稽首。謂廣成子爲天。此其深達其道而不疑也。雖然若以此地位爲大事畢。而不復進脩。則其體得之道。終爲思慮心知中之殘渣。而依舊不免多知爲敗之失也。故廣成子所以有此教誨。

也。彼其物者。上文物將自壯之物。與老子中庸之物。同一物也。黃帝既得其物矣。然不有所指。故唯謂物也。彼其物者。一與和。所以守之處之者也。其物無窮而無極也。然認上文守處之一與和。以爲窮極之旨。則亦未免無過失也。故示以無窮無測無終無極。此至道之精。既明既得。則固是無窮無測無終無極也。然人反以得其道爲終極。則其道局於終極。而卒失本然之體也。故曰彼其物無窮而人皆以爲終。彼其物無測而人皆以爲極也。爲終爲極者。猶迷倒生歿者也。若得此道者。上則爲

皇而萬古無終極也。尚書序疏云。稱皇者。以皇是美大之名。言大於帝也。風俗通云。三皇道德元泊。有似皇天。故稱曰皇。皇者中也。光也。弘也。春秋繁露云。德侔天地者。稱皇帝。蔡邕獨斷云。皇帝至尊之稱也。上古庖犧氏。神農氏。稱皇。堯舜稱帝。夏殷周稱王。秦并以為號。漢因之不改。此乃德侔天地。故曰上為皇也。字典云。王大也。君也。天下所法也。又主也。天下歸往。謂之王。因是考之。得此道者。上則德侔天地。其道德有似皇天。故曰上為皇。若其道德不及皇。猶能為天下法。而天下盡往歸之。故

曰下為王也。皇王俱是德冠天下之美稱也。言上下者。似有生前歿後之別。故下文曰。失吾道者。上見光而下為土。此則與草木同腐者耳。天下之物。皆莫不生於土而反於土。故曰。今夫百昌。皆生於土。而反於土。今黃帝既領其道。廣成子將使其為皇王。故曰。余將去女入無窮之門。以遊無極之野。去女之去字。當著眼。將去女得力之地位。而入無窮無測之門。以遊無終無極之野也。世之讀莊子者。至于斯。則茫然不知為何等義。茫然以為無窮之門。無極之野者。與所謂無何有鄉。廣莫之野同。

而道之本原本根也。可惜將胡椒子平吞了。若不
去究竟之地位。而入無窮無測之門。則何以優然
從容。遊無終無極之野哉。去字。入門字。遊字。一
有實踐之地位。非泛然說去者。學者請高著眼。廣
成子自謂。吾既得遊無終無極之野。故與日月參
光。與天地為常。內篇所謂。至人神矣。乘雲氣。騎日
月。而遊乎四海之外。死生無變於己者。是也。今世
人當我此物。則緡乎。一見彼其物。則緡乎。繩繫。死
執而不放。終為多知所敗。若遠彼其物。則昏昧不
明。而不知道為何物。故曰。當我緡乎。遠我昏乎。當

與遠雖有差別。俱未得彼其物之謂也。當我之我
字。與吾與日月參光之吾字。大有分辨。吾字。廣成
子自謂也。我字對人之我。而指彼其物之當體也。
緡乎昏乎。兩不能免。死生軀殼之念。必不能脫。死
生。故曰。人其盡死。而我獨存乎。此我字。亦指彼其
物。真我之我也。人不知彼其物。則猶迷。生死。心歸
變滅。能知彼其物。而優遊不繫之心。知。則彼其物
之真我。獨存乎。此我字。當精密推究。浮屠氏所謂。
天上天下唯我獨尊之我。是也。百二十二言。曰。如
雲將東遊。過扶搖之枝。而適遭鴻濛。鴻濛方將拊髀。

爵躍而遊。雲將見之。儻然止。贄然立。曰：叟何人邪？叟何爲此？鴻濛拊髀，爵躍不輟。對雲將曰：遊。雲將曰：朕願有聞。一作也。鴻濛仰而視雲將曰：吁。雲將曰：天氣不和，地氣鬱結，六氣不調，四時不節。今我願合六氣之精，以育羣生，爲之奈何？鴻濛拊髀，爵躍掉頭曰：吾弗知。吾弗知。雲將不得問。又三年東遊，過有宋之野。而適遭鴻濛。雲將大喜，行趨而進曰：天忘朕邪？天忘朕邪？再拜稽首。願聞。一作於鴻濛。鴻濛曰：浮游不知所求，猖狂不知所往。遊者鞅掌以觀無妄。朕又何知？雲將曰：朕也。自以爲猖狂，而民隨予所往。朕也不得

已於民。今則民之放也。願聞一言。鴻濛曰：亂天之經，逆物之情。玄天弗成，解獸之群。而鳥皆夜鳴，災及草木。禍及昆蟲。噫！治人之過也。

承上文而更進一步。諸解以爲與前條同一意旨者。未盡其微細也。夫廣成與黃帝現然人物。雖議論精粹。而自旁觀之。則兩人論致道之方。而非真道也。至雲將鴻濛。則既無其人。無人而論道。則稍幾于真矣。雖然雲將鴻濛。猶有其人也。但能自省。而知雲將鴻濛之所以爲雲將鴻濛。則思過半矣。諸解言雲將雲也。鴻濛氣也。扶搖風也。以有枝字。

解在

卷之十

在宥

三五

後北居

或以爲東海神木。諸解似未盡其蘊也。何者。上文既說去女入無窮之門。以遊無極之野。則神遊自在。而無所拘係。無所拘係。而後其無心無知。無作無爲之妙用。歷歷可證。雖然廣成言之。黃帝聞之。二人定當_下其_上實而然也。後之讀焉者。未既其實。而以知慮解之。則其無心無知。宛如雲之隨風。卷舒聚散。不_一定也。大似而大非也。如此解去。則其入無窮之門。遊無極之野。與日月參光。與天地爲常之理。冒昧不明。此乃雲將之徒也。故進一步。以說此條。觀者當盡真理也。夫道者。窈冥幽微。而意

路不到。心路斷絕。超言語情識之表。而歷歷明明。著於日月也。述諸言語文字。則無心無知。無聲無臭之外。更無可說示之語也。但在其人脩熟之力。而轉其地位。以體其真耳。夫認無心無知之理。以爲道者。雲之隨風。而卷舒聚散之類也。雲晴風定。而後一氣網緼交密。蒼蒼然者。鴻濛之活潑自在。際天際地。無所不充塞也。雲將往來於一氣之中。而未嘗遭鴻濛。東遊過扶搖之枝。而適遭鴻濛。此久落在無爲無心之理。屈而冒昧不明之雲將。稍晴而得闕青天白日之髣髴也。雲將之將字。有將

晴之趣。下字新奇。可玩味。時雲將謂鴻濛爲天。黃帝謂廣成爲天。語同而其地位異也。一氣之活潑。鼓舞自然而妙也。拊髀爵躍不輟之形容。可察也。雖然。又認鴻濛爲天爲道。則雖超雲將一等地。猶未爲真也。雲散氣霽而後優然可認真面目也。學人必有微細知慮。多爲雲將鴻濛所障其真矣。於是當發真志而體真面目也。今此云云者。猶未免文字言語之間。實不得已也。請察諸儻然自失之貌。贊然拱立之貌。恭立而拱手也。鴻濛仰視雲將曰。吁。有不滿意。鴻濛仰視。此在雲將之下也。夫

一氣充塞盈上溢下。雲將唯上騰耳。仰視之狀可察也。天氣不和。地氣鬱結。六氣不調。四時不節者。此雲將不退之徵也。鴻濛曰。吾弗知之語。當與知北遊之首章併看也。三年之後工夫熟而再遭鴻濛也。夫繫念軀殼。則必有求。不繫則不知所求。有_二意思。則必有所往。無心則不知所往。鞅掌拘係貌。又外勞而心逸也。又紛汨也。浮遊猖狂于鞅掌拘係紛汨之中。則似外勞而心逸。故以觀無妄言萬物雖鞅掌。其真機自無妄也。雲將曰。朕亦以爲猖狂。雲與氣雖同猖狂。其地位之異。可察也。民隨雲

將之所往。民皆放雲將故也。放效也。又歸依之意。故曰不得已於民。世之抗顏臨生徒者。未盡其道之真。而以似者教導之。己雖知其非真。而不得已於多人之歸往。故有乞諸其鄰而與之者。噫亦賦夫人之子而已。故曰亂天之經。逆物之情。玄天弗成獸散而鳥驚。草木昆蟲皆蒙禍災。此喘奕肖翹。盡失其性之意也。此不盡在我者。而漫治人之過也。呂氏曰。歲有玄天。冬至是也。月有玄天。晦日是也。日有玄天。夜半是也。而人亦有玄天。古之求正氣之所在。而以存其精神。美其根本者也。此玄天

又一說。然其意不通。呂氏亦玄天弗成之徒耳。二百六十七言。

雲將曰。然則吾柰何。鴻濛曰。噫毒哉。僊僊乎歸矣。雲將曰。吾過天難願聞一言。鴻濛曰。噫。心養汝徒。處無爲而物自化。墮爾形體。吐爾聰明。倫與物忘。大同乎。滓溟。解心釋神。莫然無魂。萬物云云。各復其根。各復其根。而不知渾渾沌沌。終身不離。若彼知之。乃是離之。無問其名。無闕其情。物固自生。雲將曰。天降朕以德。示朕以默。躬身求之。乃今也得。再拜稽首。起辭而行。

雲將聞其過。便問補之之方。鴻濛曰。汝更興心補過。乃是其毒益甚。故曰噫毒哉。言害之甚也。於是鴻濛將歸去。僊僊軒舉之意。諸解以爲使雲將歸。陸方壺云。僊僊長久之義。言治人者。自三代以下。流毒長久。不可救藥。此說迂遠。不可從也。歸矣。猶言姑去也。此亦一說。時雲將見鴻濛將歸。而請曰。吾遇天難。願聞一言。是雲將之遇天實難。所以有再請也。雲將屢請。而不輕答者。視其志之純一。而後告之也。世之不待問而輕告者。反使學者喪其志。欲成人才者。當須用心也。心養汝徒。此一句。使

雲將及其徒心養。雲將既不得已於民之心。外馳而不養。民亦隨雲將。不能自反。而一聽雲將。此乃俱不能心養也。故以心養示之。有旨哉。言優遊涵育。俟其自化也。雲將若能心養。而達無爲無心之實。則其徒皆相忘於無言無事之教。而各亦達心養之實矣。老子曰。我無爲而民自化。我無欲而民自朴。我好靜而民自正。故曰處無爲而物自化。墮形體。吐聰明。不知有軀殼。心知。人倫與廢物。相忘無遮隔。宛同滓溟。滓溟者。無氣無極之始。若認心爲無。則未免有念。故解心則其迹泯絕。若認形氣

之中有神而爲主宰。則猶未亾思慮。故釋神則一切無所認。一切不認。則莫然無魂。至此而聖脩之能事畢。而無可復進之地矣。凡學道認心神以爲極致。雖心神爲極致。認一字未穩。是以解釋神神。而莫然無魂。則擺手無所倚。獨往獨來于形神之表。而不爲造化所撫弄者也。脩習之初。以認得心神爲究竟地位。至于斯。則其心神亦解釋棄擲。而無遺。非實踐得力之人。輒不能解之義也。諸解茫昧無歸宿。豈持心養之人如此哉。萬物之衆多。各復其根。云云衆多貌。莫一物不有天然自有之真。

之意也。即是性命之實理。人物之根極也。雖各復其根。不自知復其根。故其德渾渾沌沌。終身不離。若知復其根。則鑿知竅。而渾沌死。渾沌死。則離之也。病在知一字。大道本無稱謂。有名則已涉有心。名者。實之賓也。由賓而責其實。則萬物不堪其責。而害其生者多矣。故曰。無問其名。易曰。人生而靜。天之性也。感於物而動。性之欲也。性之動而感物。謂之情。情必有好惡。不體性而闕情。必爲好惡所攪擾。不能復其根。故曰。無闕其情。不問名。不闕情。則萬物固自生。乃云云各復其根。終身不離也。若

問之闕之。則終失自生自復之理。此條比上文。更加精密。讀者反復以參究之。雲將深領其旨。因曰。天降朕以德。示朕以默。此鴻濛說不離之德。示不言之教也。雲將親反其身而求之。乃今也得。再拜稽首。起辭而行。雲將辭而行。鴻濛既有遷遷之意。故鴻濛之歸。會之言外而可也。雲散氣霽。青天白日。復有何性德之談乎。雖然不用力。而徒知其理。則何見青天白日之有。古人曰。風定而波猶在。學者當砥礪也。百四十一言。

世俗之人。皆喜人之同乎己。而惡人之異於己也。同

於己而欲之。異於己而不欲者。以出乎衆爲心也。夫以出乎衆爲心者。曷嘗出乎衆哉。因衆以寧。所聞不如衆技衆矣。而欲爲人之國者。此攬乎三王之利。而不見其患者也。此以人之國僥倖也。幾何僥倖。而不喪人之國乎。其存人之國也。無萬分之一。而喪人之國也。一不成。而萬有餘喪矣。悲夫。有土者之不知也。自此以下。又起一段議論。以示世俗之見。以歸有爲無爲之義。以終此篇。夫喜同乎己者。而惡異乎己者。世俗之見也。此不知大道玄同之旨也。衆人皆如此矣。然而其心以爲己之見。聞出乎衆也。衆

人盡以出乎衆爲心。則曷嘗出乎衆哉。因衆人之見聞。以寧己之見聞而已。與衆人何異。且以一人比衆。則不如衆技之多也。古人則不然。有高臨天下之見。而不隨俗以決從違。曷嘗求同於世俗哉。而世俗一般。尊仁義。悅聖知。欲以治人之國。是攬夏殷周三王之利。而不見其害者也。其見猶衆人。也以衆見治人之國。幾何不僥倖而喪人之國乎。其存國也。無萬分之一。而喪其國也。一不成。而萬有餘喪矣。悲夫。有土者之不知此利害也。如知之。則必不徇衆見。別有所施乎。百四十言。

夫有土者。有大物也。有大物者。不可以物物。而不物故能物物。明乎夫一作夫物物者之非物也。豈獨治天下百姓而已哉。出入六合。遊乎九州。獨往獨來。是謂獨有。獨有之人。是之謂至貴。

貴爲天子。富有天下。是有土者。有大物也。大孰有尚焉者乎。然特自外物而言之耳。列子天瑞篇曰。夫天地空中之一細物。有中之最巨者。此自大空而言之。則天地亦一細物也。以有形比之。則實最巨者也。若有以大物爲大物之意。則爲大物所拘係。不能運量其大物也。忘其大物。而後能使大物

運量乎吾心量之中也。故曰有大物者不可以物
 物。而不物故能物物。明乎物物之非物也。非物之
 物。即上文所引老子中庸并上文所說之物。而先
 天之道朴也。在人則性命之真物是也。故有大物
 者。能以此道朴。主張網維其大物之謂也。苟能明
 乎此物非有形之物。為先天道朴之物。則豈但可
 以治天下百姓而已哉。將提挈陰陽。主宰造化。把
 握天地。網維宇宙也。故出入六合。遊乎九州。元神
 默運。獨往獨來。至無而妙有也。是謂獨有。獨有之
 夫人。是謂至貴矣。連用物字。上物字虛。下物字實也。

有土者可不察哉。六十八言。

大人之教若形之於影。聲之於與一作響。有問而應之。
 盡其所懷。為天下配。處乎無響。行乎無方。挈汝適。復
 之撓撓。以遊無端。出入無苟。與日無始。頌論形軀。合
 乎大同。大同而無己。無己惡乎得有有。覩有者。昔之
 君子。覩無者。天地之友。
 獨有之人。謂之大人。夫大人之教天下也。若影之
 隨物而賦形。響之隨叩而應聲。無情而受天下之
 感。天下若有問。則其應之也。盡其大人之所懷。各
 當其宜。配如匹配之配。與問者。其意相合而不違。

也。配字下得妙。盡其所懷。孔子所謂無隱。又叩兩端而竭之意。處乎無響。我無所感之意。而寂然自感也。行乎無方。我無施教之法。而因人變化不一也。挈汝適者。提天下而適道也。復來也。之。往也。撓。警也。切音曉。撓挑。宛轉也。往來宛轉。無所拘係。以平遊無端。與大宗師所謂撓挑無極同。出入無旁者。之。獨往獨來。無所依旁也。既無端矣。則無始無終也。盡無旁矣。則無左無右。無上無下。無往不正中也。與大日無始。則其悠久可證也。以上諸解粗相似。蓋大人之教。隨天下之感叩。而盡其所懷。以使各自得。

其宜也。非立法度以教導之也。處乎無響而行乎無方。挈提天下。以適真常不變之大道。天下自得而與道合。真則形神俱妙。昭合無間也。故曰頌論形軀。合乎大同。頌字有讚歎形軀之妙之意。蓋大不同則無己。無己則無有有。故曰惡得有有。蓋有有不則以有土為己有。不能處乎無響行乎無方。是三代以下。明君賢輔。尚以仁義禮樂。紀綱法度。為教于天下。乃是覩有之徒也。昔之君謂三代之君臣也。獨有之人。則不然。無響無方。無端無旁。無始無己。而使天下合乎大同。故謂覩覩無。覩有覩無。相

去遠矣。故曰。覩無者。天地之女。言與天地大同之人也。非獨有至貴之人。孰能與於此哉。有大物之人。不可不省也。八十七言。賤而不可不任者。物也。卑而不可不因者。民也。匿而不可不爲者。事也。麤而不可不陳者。法也。遠而不可不居者。義也。親而不可不廣者。仁也。節而不可不積者。禮也。中而不可不高者。德也。一而不可不易者。道也。神而不可不爲者。天也。

上文以有無立說者。欲使天下處無而運旋萬有也。恐人反棄有執無。以偏于高遠不急之僻。故再

說此條。以示學者。其丁寧深切。至矣哉。夫人不反諸己。一聞言語。而執其理。則皆陷一偏之見。而不能合於大同。愈聞愈僻。轉進轉偏也。後世奉三教之徒。各僻其學。而相譏謗如讐敵。甚則同學其道而相妬忌。如此輩。實不知有道。安嘗有真志哉。可歎之甚也。夫大人之立言也。語上而不遺下。語理而不遺物。體無爲者。乃所以接有爲也。故物物雖至賤紛雜。不可不任之也。此皆莫非朴散之器也。此物字。紛指萬物之有名有形者而言也。若不任物而自用。則僻賤而失貴。能任其物。則運旋其物。

而不失我貴也。人民雖卑，不因之，則上亦失其尊。聖人備物以致用，厚下以安宅，可不任乎？事雖隱匿，皆分之所當為也。法雖麤粗，陳列以顯此道也。義主分別，比仁則遠矣。然不可不居之，以分辨也。仁主親愛，視義則親矣。不廣則溺於愛，以失仁之本體也。禮主節制，然不積則失中節之和也。積者，加厚不已也。以上皆雖為有為之事業，而任因。為陳居廣，積之七者，能無為而攝旋有為也。學者不達于斯，分有為無為，為兩節，以為相反者，亦不少矣。釋書云：有為雖偽，棄之則功行不成矣。至於

德道天則形焉而上者，本不容有為。雖然不盡其脩習，則不可以言德道天也。夫德者，固是備於未發之先，而其中可知也。然不高則不能日進，況大德乎。夫道者，一而不分。雖然一而不變易自在，則非道之真也。夫天者，神而不可測。然不為，則其神之無方，不可證也。以上都是十節。有為無為，相表裏而各相輔助以成之。學者察諸九十言。不故聖人觀於天而不助，成於德而不累，出於道而不謀，會於仁而不恃，薄於義而不積，應於禮而不諱，接於事而不讓，齊於法而不亂，恃於民而不輕，因於物

而不去。物者莫足爲也。而不可不爲。不明於天者。不純於德。不通於道者。無自而可。不明於道者。悲夫。
姑此條再言。以下以無爲爲體。以有爲爲用之義也。明非有心以作爲者也。故聖人觀天之神而已。不生心以助之。助長也。無心日進以成德。不期高而自高。故不累也。變易應接出於道。而不興仁以謀之。應雖萬變。非知慮之所作也。適然會於仁。而不以仁爲美。故不恃也。突然薄近於義。而不以義自居。故不積也。方應行禮之時而行之。無忌拘之義。諱者拘忌也。臨當爲之事而爲之。無規避之意。與民畫

一。無擾亂之理。故曰齊於法而不亂。以民爲重。因之恃而不輕。以物濟物。任之因而不去。雖因於物去而徇物。則喪其真。故曰。因於物而不去也。夫物者。濟日用之事而已。非可以盡心者也。故曰。物者莫足爲也。然不爲物。則日用滯而不通。故不可不爲也。若貪著其事物。則反礙道矣。明觀於天而不助之義。則中純之德高。而其道自通也。反是。則事物之上。猶冒昧不明。而况道德天之純粹者乎。故曰。不明於天者。不純於德。不通於道者。無自而可。若人不明於斯。則上見光。而下爲土。不亦悲乎。九

十九言。

何謂道。有天道。有人道。無爲而尊者。天道也。有爲而累者。人道也。主者。天道也。臣者。人道也。天道之與人道也。相去遠矣。不可不察也。

到是分明說破道字。能深求之。則學問之要。莫尚焉。讀者不可忽也。夫道有天人之分。無爲而尊者。天道之自然。而然也。不可以一絲毫之知力容于其間者也。有爲而累者。人道之不可不爲者也。乃上文十節不可不之語。可以見也。以天道爲主。而人道脩習之。則天道明。而可以盡人道也。齋

云。主者。天道也。以道心爲主也。臣者。人道也。使人心聽命也。此臣主字。不是朝廷君臣。從來讀者。只作君臣說。誤矣。是身中之君臣也。齊物論曰。其邈相爲君臣乎。其有真君存焉。當如是觀也。在宥篇。以在宥天下爲主。故粗細盡舉。以渾成無遺。易繫辭曰。形而上者。謂之道。形而下者。謂之器。化而裁之。謂之變。推而行之。謂之通。舉而措之。天下之民。謂之事業。又曰。是故闔戶謂之坤。闢戶謂之乾。一闔一闢。謂之變。往來不窮。謂之通。見乃謂之象。形乃謂之器。制而用之。謂之法。利用出入。民咸用之。

謂之神。有大物者。能察之。則天道人道相去遠。而其相為用也。如影響然。更可與內篇諸篇併見而領其歸會也。不可為等閑觀也。五十一言。之。神。一。在宥篇。通計二千三百言。受上駢拇馬蹄胠篋三篇之意。而立言。以不治治天下。攘仁義。棄聖知。而歸性命之情。達道德之蘊。猶以廣成鴻濛二段。致盡精微。而使學者解心釋神。莫然無魂。以各復其根。而後再說物。民事。法。仁。義。禮。德。道。天十者。以使人獨往獨來於天道德禮仁義事法民物之外。而運旋此十者於天下萬世。其旨深哉。微哉。宜矣。諸


註家未得其肯綮。讀莊子者。當超越軀殼而始證此旨也。

門人 寺西積善校并書

山本長九衛門彫刻

解莊卷之十終

3年12月



解

卷之十

解

三

藏

Vertical columns of text within a black border, containing faint characters and bleed-through from the reverse side of the page.

